

# Vuk'uzenzele



Produced by Government Communications (GCIS)

Sepedi/English

| August 2016 Edition 1

## SA gaining ground in AIDS fight



Deputy President Cyril Ramaphosa with the United Nation's Secretary-General Ban Ki Moon at the 21st International AIDS Conference in Durban.

**Chris Bathembu**

South Africa is set to launch a ground-breaking Antibody Mediated Prevention (AMP) vaccine trial.

"This is the most important vaccine trial in seven years that will happen on South African soil led by South African scientists at the Medical Research Council," said South African National Aids Council CEO Dr Fareed Abdullah.

The AMP study is a new idea for HIV prevention that is related to what has been done in HIV vaccine research. In traditional HIV vaccine studies, people are given a vaccine and researchers wait to see if their bodies will make the antibodies against HIV in response.

In the AMP study, however, researchers give people the antibodies directly.

Reacting to the announcement, Health Minister Dr Aaron Motsoaledi said South Africans should welcome any initiative aimed at finding an effective HIV vaccine.

Speaking to *Vuk'uzenzele* at the 21st International Aids Conference in Durban, Minister Motsoaledi said: "We know that for both TB, HIV and AIDS we need a vaccine urgently. If we can't get one, we won't break the back of these diseases. We need a game changer and a vaccine for HIV and AIDS will be a huge one."

South Africa also used the conference to demonstrate its unique capabilities in the fight against HIV and AIDS. South Africa hosted the conference this year, for the second time, having first hosted it in 2000. Unlike the 2000 conference that was overshadowed by debates which sought to prove or disprove the clash between the politics of HIV and science, this year's event was characterised by the desire by countries to usher in

a fresh approach in the fight against HIV and AIDS. For this particular study, South Africa is one of the trial sites and there are already patients who are part of the trial and getting antibodies which are being infused into their blood to prevent HIV.

"This is a cutting-edge science. There is a lot of hope and expectation that these type of trials are key to the scientific step forward," said Abdullah. If the trials succeed, this will put South Africa on the world map in terms of finding solutions for HIV. Minister Motsoaledi said South Africa and the world have to move with speed to find an HIV vaccine, adding that vaccines are as important as the cure for AIDS. Speaking during the conference, Deputy President Cyril Ramaphosa said since South Africa last hosted

Cont. page 2



**R7 million investment benefits Bergville**

Page 4




**Tshwane empowers the youth**

Page 5

**A female farmer driven by passion**

Page 8

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za  
www.vukuzenzele.gov.za  
E-mail: vukuzenzele@gcis.gov.za  
Tel: (+27) 12 473 0179

**Free Copy**

# Badudi ba Jericho ba hwetša meetse



Tona ya Meetse le Tlhwekišo Nomvula Mokonyane, Tonakgolo ya Leboa Bodikela Supra Mahumapelo le di-MEC mo pulong ya Protšeke ya Kabo ya Meetse ya Dinagamagaeng ya Jericho.

**Gabi Khumalo**

**K**goro ya Meetse le Tlhwekišo e tšweleditše protšeke

ya meetse ye e tla kaonafatšago phihlelelo ya meetse ka Jericho, Leboa Bodikela.

Protšeke ya Kabo ya Mee-

tse ya Magaeng ya Jericho ya R15 milione e kgathile tema go godiša ekonomi ya leago gomme e okeditše tšhireletšo ya kabo ya mee-

tse mo ditšhabeg tša Jericho mo Mmasepaleng wa Selogae wa Madibeng.

Protšeke e amana le go lokela diphaepe, peakanyo ya diphaepe, go lekola le go bora dipetse, go thoma tšweletšo ya dipetse tše di borilwego, gammogo le

**“Re ka se gwahlafatše ditirelo tša batho ba rena.**

**Meetse ke bophelo gomme tlhwekišo yona ke go bontšha tlhompho.”**

go kgokaganya methaladi ya tshepetšo go dinetweke tše di lego gona le ditsha tše dikgolo.

Nakong ya go bula protšeke, Tona le Tonakgolo ya Leboa Bodikela Supra Mahumapelo ba ntšhitše dillori tša meetse go thuša batho bao ba hlokago. Llori ye nngwe le ye nngwe e ka swara dikilolitar tše 100 tša meetse.

Tona o eleditše maloko a setšhaba go raloka karolo ya bona ka go šireletša mananeokgoparara a mmušo ao a ikemišeditšego go kaonafatša maphelo a batho.

“Re ka se gwahlafatše ditirelo tša batho ba rena. Meetse ke bophelo gomme tlhwekišo yona ke go bontšha tlhompho. Re swanetše go šogana le batho bao ba utswago dibelefe tša meetse le dipompi tša meetse”. ■

## Peeletšo ya R7 milione e hola Bergville

**MEBASEPALA YA KWAZULU-NATAL** e holega go tšwa Lenaneong la Tsošološo ya Ditoropo tše Dinnyane.

**Thandeka Ngobese**

**P**eeletšo ya mmušo go kgonthiša gore ditšhaba tša dinagamagae di ba le ditirelo e dirile gore go be le senthara ya taolo ya dikotsi le senthara ya dilaesense tša go otlela toropo wa Bergville.

Lenaneo le la Tsošološo ya Ditoropo tše Dinnyane le hotše mebasepala ye mmalwa go akaretša wa Ukhahlamba ka KwaZulu-Natal. Bergville ke karolo ya mmasepala wo.

Kgoro ya Taolo ya Tirišano le Merero ya Setšo (Cogta) e šomišitše go feta R7 milione mo tsošološong ya Bergville.

Molekgotlaphethiši (MEC) wa Cogta Nomusa Dube-Ncube, gammgo le MEC yo mofsa yo a thwetšwego wa Dinamela le Tšhireletšo ya Setšhaba Mxolisi Kaunda, kgauswinyane ba thakgotše ditlhabollo tše.

MEC Dube-Ncube o re nepo

ye kgolo ya Lenaneong la Tsošološo ya Ditoropo tše Dinnyane e be e le go godiša mafelong a dinagamagae le go hlola tikologo ye e bolokegile ya go hlweka yeo e swarago dipeeletšo, kgoko le kgodišo.

“Mo tshepetšong mešomo ya nako ye kopana e hlolwa ka go kaoafatša mananeokgoparara mola mešomo ya maleba e hlolwa ka peeletšo ya lekala la praebete e tla gogago šedi.

Bafsa ba go feta 40 go tšwa mmasepaleng wa Ukhahlamba ba hlahlilwe go ba borasetimamollo. Ka moka ga bona ba hweditše mešomo ya sa ruri ge senthara ye ya taolo ya dikotsi e bulwa. Bašomi ba Tšhireletšo le bahlwekiši le bona ba thwetšwe. Mmasepala wo o be o itshamile ka borasetimamollo ba go tšwa Mmasepaleng wa Ladysmith/uMnambithi. Se gantši se bolela gore tšhireletšo ya baeti le badudi e be e se lega-

tong la godimo,” gwa realo Dube-Ncube.

MEC Kaunda o bona gape thakgolo e le phihlelelo ye bohlokwa.

“Setšhaba bjale se tla boloka ka ge se be se sepela se eya “Ladysmith, go hwetša ditirelo tše,” gwa realo MEC Kaunda.

Kgoši Menzi Hlongwane wa AmaNkwane Tribal Authority a re ba thabile ka dihlabollo.

“Se se bontšha gore mmušo wa rena o ikgafile go hlabolla dinagamagae. Ga se ra ka ra gopola gore mo Bergville re ka tsoga re bile le setešene sa ditimamello, senthara ya dilaesense tša go otlela yona e be e e sa lebellwa,” a realo.

Yo mongwe wa borasetimamollo Nompumelelo Mhlongu o re ge a ekwa ka lenaneo la go amana le mešomo o be a se na mafolofolo a go dira dikgopelo, a nagana gore ba ka se lebelele kgopelo



Senthara ye mpsha ya taolo ya dikotsi ya Bergville e kgonthiša polokego ya maloko a setšhaba mo lefelong.

ya gago.

“Ke polelo ye e fošagetšego gore go hwetše mošomo go tšwa mmušong o swanetše go ba le batho bao o a tsebago ba šomago moo. Ke be ke se na motho wo ke mo tsebago.

Ke kwele ka dibaka gomme ka dira dikgopelo gomme ka tšewa. Mmušo o fa dibaka tša go lekana go moAfrika Borwa yo mongwe le yo mongwe.”

a realo.

Ramotse wa Mmasepala wa Selogae wa Ukhahlamba Thulani Sibeko o re hlabollo ye e tlo boloka tšhelete ye ntši go bao ba nyakago go tšea laesense ya go otlela.

“Batho ba mo ba be ba eya Estcourt goba Ladysmith eupša bjale ba tla šomiša senolofatši se se lego kgauswi le magae a bona”. ■

# Tshwane e matlafatša bafsa

Nosihle Shelembe

Lenaneo la Tshepo 10 000 la Toropokgolo ya Tshwane le ikemišeditše go matlafatša bafsa. Le akaretša hlabollo ya mabokgoni ka tša kgwebo le tlhahlo ya tsebo ya tša ditšhelete le go ithomela

dikgwebo tša mohlakanelwa.

Lenaneo le fa gape dibaka tša kgokagano ka mananeo a taolo ya tshepetšo ya dithoto le ditirelo le tlhahlo tša toropokgolo go oketša lebelo la tšwelopele la go ba gona ga dikgwebo tša mohlakanelwa le go kgonthiša tshwarelelo ya tlhohlo ya mešomo.

Ge lenaneo le thakgolwa ka Mosegamanye 2013 toropokgolo e amogetše dikgopelo tše 52 000 go tšwa dileteng tše šupa ka moka tša Tshwane, eupša ke batho ba 10 000 fela bao ba kgethilwego.

GoyakaSeboleledisaramotse wa Toropokgolo ya Tshwane,

Blessing Manale, dikgwebo tša mohlakanelwa tšeo di filwego mošomo wa sethekniki di hlotše mešomo ya dikotraka ya go feta 2 662.

“Toropokgolo e file gape dikgwebo tša mohlakanelwa tše 279 dibaka tša tekanyo ya R247 809 696.71,” gwa realo Manale.

Dibaka tše di akaretša go iša dithoto le go dira mošomo wa sethekniki woo o akaretšago go hlokemela dirapa tša bahu, go swaya ditsela, ditirelo tša go hlwekiša mo meagong ya khansela, ditirelo tša go ripa bjang, go tsentšha dimetara, go penta le go mpshafatša meago. **V**

## Lenaneo la mabokgoni la Tshwane le nepiša bafsa



Nosihle Shelembe

Ge Nteseng Mogorosi a fetša marematlou a gagwe ka 2004 o tsebile gore o nyaka go ba kgwebong, ka ge a tshepa gore e tla mo kgontšha go laola bophelo bja gagwe.

O ingwadišitše le Yunibesithi ya Witwatersrand go ikhumanela tikrii ya *Bachelor of Accounting, Science*, eupša, ka go hloka mahlatse, a se fetše dithuto tša gagwe ka baka la dihlohlo tša ditšhelete.

Ka mahlatse, tirelo ya mohlhagase ya Eskom ya mo fa se-

baka sa bobedi sa go ithutela *National Diploma in Financial Management* kua *Central Johannesburg College*, ka lenaneo la go amana le mešomo le le abjago ke lekala le.

Ge a fetša dithuto tša gagwe ka 2009, o ilwe a fiwa mošomo wa sa ruri bjalo ka mohlankedi wa lenaneo la megolo la tšhupaletlotlo ka Eskom.

Le ge go le bjalo, Mogorosi o be a sa lora ka go thoma kgwebo ya gagwe gomme a tlogela mošomo wa gagwe ka 2011 a thoma kgwebo ya dinamelwa.

O ile a reka lori, yeo a bego

a e šomišago go iša thoto ka Zimbabwe go tšwa ka Afrika Borwa, eupša kgwebo ya phuhlama ge lori ya gagwe e amega kotsing.

“Go be go le boima ge kgwebo ya ka e phuhlama. Go be go le boima bophelong bja ka. Eupša ga se ka nolega moko gobane ke be ke na le ngwana yo ke bego ke hloka gore ke mo hlokomele.

“Nakong yeo ke be ke bala dipuku tše dintši ka batho bao ba atlegilego ba bantši ba bona ba paletšwe gatee goba gabedi. Ke be ke na le mengwaga ye 25 nakong yeo ka moo ka nagana gore ke na le nako ye ntši ya go tsoga ka gore ke sa le wo mofsa,” gwa realo Mogorosi.

Ka 2013, a kwa ka lenaneo la kgwebo le mabokgoni a bafsa la Tshepo 10 000 la Toropokgolo ya Tshwane gomme a šomiša sebaka seo go ba karolo ya lona go se amogela ka matsogo ka moka.

Ka morago ga ge mogorosi

a feditše tlhahlo yena le balekane ba gagwe ba kgwebo, bao a kopanego le bona ka lenaneo le, ba hlakantšha dihlogo gomme ba dira kgopelo ya go ngwadiša kgwebo ya mohlakanelwa yeo e bitšwago Mokopu Group.

Ka Hlakola 2014 kgwebo ye, yeo e abago ditirelo tša go hlwekiša diintasteri, go ripa bjang le taolo ya dikhukhwane le go iša ditšweletšwa tša go hlwekiša, e bile ya ngwadišwa.

Gonabjale e thwetše batho ba 17 ba sa ruri le ba 60 ba lebakanyana.

“Tlhohlo ye kgolo yeo kgwebo ya mohlakanelwa ye e bego e lebane le yona mathomong ke thekgo ya ditšhelete. E be e le bothata ka gore ge re hwetša mošomo, Toropokgolo ya Tshwane e emetše gore re dire mošomo ka tšhelete ya rena gomme re tla lefša fela ka morago ga matšatši a 30,” gwa realo Mogorosi.

O tlaleleditše ka gore ba-

lekane bao a tsenego le bona kgwebong ba ne ba adima tšhelete go tšwa go maloko a lapa gore ba kgone go dira mešomo.

“Ge re thoma, leloko le lengwe le le lengwe le be le ntšha R100 ka kgwedi ya kgwebo yeo re e šomišetšago senamelwa le mešogwana ye mengwe ye e amanago le kgwebo, go swana le go hwetša setifikeiti sa BEE le go ngwadiša kgwebo.”

Le ge go na le ditlhohlo mo go sepedišeng kgwebo, Mogorosi o hlohletšha bafsa go ithomela dikgwebo.

“Ge o lebelela diekonomi tše di atlegilego mo lefaseng, mešogwana ya diekonomi tše dintši mo dinageng tše e tšwa go dikgwebo tše dinnyane.

“Tshepo 10 000 ke lenaneo le le botse ka gore batho ba bantši ba ba tsenetšego lenaneo ka nako ye ba be ba sa šome gomme ba nyakana le mošomo,” a realo. **V**

## Mohlagase wa molao mešašaneng ya Joburg

Albert Pule

City Power, lekala la Toropokgolo ya Johannesburg, le beeletša dimilione go fokotša go goga mohlagase wo o sego molaong le go kgonthiša gore mohlagase mo mešašaneng ka toropokgolog le kgauswi le toropokgolo e šomišwa ka polokego.

Molaodimogolo wa Taolo wa Motšwaoswere wa City Power Sicelo Xulu o re tshepetšo ya go lokela mohlagase yeo e akaretšago go tsentšha dimetara tša go lefa pele, e tla lebelela mešašana ka moka ye 189 mo Toropokgolong ya Johannesburg.

Mešašana ye e arotšwe ka magoro a mararo. Legoro la



Badudi ba ba dulago mešašaneng ba tla tsentšhetšwa mohlagase.

mathomo ke le le tla hlabollwago ke toropokgolo kgauswinyane. Lona le tla latelwa ke ao a tla tšea go mengwaga ye 10 go hlabollwa ge bodulo bja mafelelo bjona bo tla hudušwa.

“Tše ke ditheo tša go hlahla tše toropokgolo e di tšerego gomme re lekaneditše R1.3 bilione ya mengwaga ye me-

hlano ye e latelago ya tshepetšo ya go tsentšha mohlagase.”

Xulu o re le lengwe la mabaka a magolo a go tsentšha mohlagase mešašaneng ke go fokotša kgatelelo ya kriti ka baka la go goga mohlagase mo go sego molaong.

“Ba bangwe ba batho mo mešašaneng ba be ba goga go tšwa metsetoropong ya

kgauswi gomme se sa dira kgatelelo mo mananeokgoparareng.

“Megala ya mohlagase ka moka ye e tsentšhitšwego e sego ka molao e tla tlošwa gomme re tla thoma go tsentšhetšha badudi mohlagase wo molaong. Ba tla tsentšhetšwa dimetara gomme ba tla thoma go lefa.”

Go fihla ga bjale, City Power e tsentšhitše mohlagase mešašaneng ya Setswetla (Alexandra), Lolly Station (Lenasia) Princess Plot (Roodepoort) le kua Naren Farm (borwa bja Johannesburg).

Kgauswinyane, Mopresidente Jacob Zuma o thumašitše mohlagase magaeng a 7 000 mo Mešašaneng ya Thembeli-

hle, ka Lenasia, borwa bja Johannesburg.

Protšeke ya Thembelihle e bile ka godimo ga R90 milione gomme maikemišetšo a yona ke go kgonthiša gore setšhaba se ipshina ka tšhomišo ya go bolokega ya kabo ya mohlagase go tšwa Toropokgolong ya Johannesburg.

Nakong ya go thumaša, Mopresidente o eleditše mebasepala ye mengwe go ithuta go tšwa protšekeng ya Thembelihle gomme ba e šomiše bjalo ka boemo mo ditšhabeng tša bona.

Toropokgolo ya Johannesburg le City Power di tšweleditše kabo ya go bolokega ya go tshepega go thumaša Makala a 200 Hosteleng ya Diepkloof ka Soweto. **V**